

9. *D. caligatus* STÅL.

Subovalis, subtilissime subruguloso-punctulatus, testaceus, subsericeus; apice articulo 1 et 2, illius etiam basi, thoraceque fere toto nigricantibus; membrana fuscescente, venis hujus apiceque appendicis pallidis. ♀. Long. $4\frac{1}{2}$, Lat. $1\frac{3}{4}$ Millim. — (Mus. Holm.).

Testaceus, nitidulus. Caput latitudine fere longius, lobo medio nigro-fusco. Antennæ graciles, articulo basali capitis latitudini intraoculari æquilongo, 2 illo fere ter longiore, apicem versus vix crassiore, hujus apice, illius basi apiceque ipsis nigro-fuscis. Thorax subtilissime subruguloso-punctulatus, posterius quam antice fere ter latior, latitudine dimidia nonnihil longior, nigricans, margine postico et parte antica retrorsum triangulariter producta testaceis. Scutellum vitta obscuriore ornatum. Hemelytra subtilissime obsolete punctulata, margine scutellari commisuraque clavi, corii disco postico, appendiceque fuscescentibus vel obscurius testaceis, hujus apice pallido. Membrana fusca, pallido-venosa. Pedes sordide flavo-testacei, basi tibiæ et tarsorum nigro-fuscis.

10. *D. testaceipes* STÅL.

Subelongato-ovalis, nigricans, nitidulus, obsolete punctulatus; antennarum dimidio basali, rostro, pedibus angulisque pectoris ad coxas flavo-testaceis; membrana fuscescente, hujus venis, apice imo appendicis basi que capitis testaceis. ♂. Long. $4\frac{1}{2}$, Lat. vix $1\frac{1}{2}$ Millim. — (Mus. Holm.).

Statura *D. tripustulati*. Caput latitudini fere æquilongum, basi maculis 2 subtransversis confluentibus testaceis. Antennæ graciles, articulo basali capitis latitudini intraoculari subæquilongo, 2 illo ter longiore, 3 basali duplo longiore. Thorax postice quam antice fere ter latior, latitudine dimidia paullulum longior. Femora postica apicem versus obsolete rufescente-testacea.

11. *D. semilotus* STÅL.

Oblongus, griseo-albidus, opacus, subsericeus; antennarum articulo 2 apicem versus, corio pone medium (angulo apicali externo excepto), appendiceque (margine laterali excepto) fuscis vel obscure fusco-testaceis; membrana sordide hyalina, flavo-albido-venosa. ♀. Long. vix $7\frac{1}{2}$, Lat. $2\frac{1}{2}$ Millim. (Mus. Holm.).

Antennarum articulus basalis capitis latitudini subæquilongus, 2 illo fere duplo longior, apicem versus levissime incrassatus. Thorax latitudine $\frac{1}{4}$ brevior, postice quam antice vix ter latior.

12. *D. cribratus* STÅL.

Ellipticus, opacus, sordide flavo-testaceus, subtus cum pedibus pallidior; antennis scutelloque nigro-fuscis; thorace fortiter punctato; hemelytris fusco-testaceis, punctatis; vitta utrimque infera nigro-fusca. ♂. ♀. Long. ♂. $5\frac{1}{4}$, ♀. 6, Lat. ♂. 2, ♀. $1\frac{3}{4}$ Millim. — (Mus. Holm.).

Caput latitudine nonnihil brevius, lobo medio apice fusco-testaceo, nitido. Antennæ articulo 1 capiti æquilongo, 2 illo vix duplo longiore, subæquali, 3 basali paullulum brevior. Thorax fortiter punctatus, antice quam postice vix dimidio angustior, latitudine postica fere $\frac{1}{4}$ brevior, ante medium transversim impressus. Membrana fuscescente pallido-venosa. Subtus cum pedibus testaceo-flavescens, pectore pone medium utrimque vitta nigro-fusca, in abdomen interdum extensa; femoribus apicem versus fusco-bifasciatis.

13. *D. luctuosus* STÅL.

Ovalis, nigricans, nitidus, valde obsolete punctulatus; membrana fusca; antennarum articulo 2 basin versus, 3 basi ipsa sordide albido-testaceis; rostro, coxis anticis, annulo femorum posticorum tarsisque (apice excepto) flavo-albidis. ♀. Long. $5\frac{1}{2}$, Lat. 2 Millim. — (Mus. Holm.).

Antennæ graciles, articulo 1 capite nonnihil brevior, 2 illo duplo fere longiore. Tibiæ anteriores subincrassatæ, nonnihil compressæ.